

河濱詩選

卷十



河濱詩選卷之十

朝坂李 楷叔則著

七世族孫

元春時齋選輯

古潤裴之仙又航叅

同里後學張翰凌翔九叅校

男 建標訂

同里後學謝 澤雨蒼校刊

七言絕

讀劉蕢策

李唐葉葉富詞臣今日猶傳下第文留得直言為盛事干

秋原不負叅軍

經暈嶺

河濱詩選

卷十

一

蠶叢鳥道未曾經此地應知鑿五丁釜削巉巖堅壁仄雲

迴蒼蔚萬林青

杜鵑花落點山谿坪道折盤鳴樹雞大白終南疑在眼薰

風薜荔隱丹梯

已見異氣銷藪澤只看靈雨種桑麻當關莫便憑天險嶺

外江臯似一家

宣州秋夜

月窺樹寶潛孤閣蟲出墻陰叫廢池不寐移床何所憶去

年溪館聽村詞

密雲影裂恒星出短幙風披竹簟驚更復思量防老計買
山種樹事躬耕

赤鑄山

楚尾吳頭思騁望湖陰夢日漫相招爲憐赤鑄賒秋色不
似蜀岡臥曉樵

梅花

月戩元宵柳戩春梅花獨是老成人梅香點點青亭外那
得閒風動暗塵

秋棠

河濱詩選

卷十

二

秋棠不恨斷腸花石砌蠶聲到水涯六兆十龜嘉遯後應
無恐怖到桑麻

絡緯無機織莫愁箕津西倒吐商秋雞尊蟻釀人將散明
月蕭蕭滿北樓

江外諸山不誤人遙從雨後一招隣少年未解山峰意總
是揚州斷送春

孔家圩

東過焦山三十里竹深萬個翠重重海雲雲到非無意騎
竹何須駕一龍

狼山咫尺一拳孤當日流氛此地驅神火陰風常不夜壯
遊不爲望蓬壺

重陽癸巳時予臥病

重陽風雨病中看也有黃花枕畔寒自審登高今未得明
年故里可盤桓

有生方悔養生非床枕經秋未着衣冬近妻孥猶凍餓那
堪久與壯心違

燕

春社泥香巢自定秋風雜健語還增江鄉近海移飛易他

河濱詩選

卷十

三

日重來意不勝

漫述

背面相譏卽所歡古人蒙誚又何難青蠅白璧文章在論
定無須俟蓋棺

春日雜興

雨飽前溪欲種麻不知春水過誰家北隣庭戶生荒草總
是無錢買杏花

一番花氣一番愁玉蝶桐花小鳳頭去歲啼殘鷓鴣處落

紅萼偏百花洲

深陽四首

掩壺何意望投金
花落無言見此心
我欲閒遊臨瀨水
子胥祠廟白雲深

莓渚蕙風謝眺詩
綠琴佳句有清思
此中吾友茅爲舍
欲採蓴湖碧水芝

東野曾唵射鴨堂
嶺尖羣岫意相羊
今時黃閣輪車尉
舊燕低飛事斷腸

漢吏何能繼史崇
兒孫百代就江東
始知廉吏移家處
當日婢人咲未工

河濱詩選

卷十

四

贈竹

石能燔黍情無定
目可流金物亦移
竹葉青青寒色在
獨從閒處結相知

鳳皇實畔蟬言切
總賴豐陰已先去聲
秋高拂碧空
明月冷何當鶴翅共夷猶

代竹答

草木爲身心不曲
風霜到老影常寒
與君相伴蒙君識
掃盡浮雲好看

汎光湖

汎光湖水淨芙蓉鳧雁驕人無定踪記得當年來往路長
堤細草臥駝峰

松羅蔗

黃山野藪苦而清細嚼雲巖雨後生芝草延年猶未似美
人曾向海中擎

元日陰王雞次日晴王犬豈雞病犬祥耶戲爲之小

絕

初未彎弓從射獵無心逐兔買韓盧而今始覺蒼天意射
獵揚揚是壯夫

河濱詩選

卷十

五

山中

小築一園水一區歸來山脚看雲鋪痴人猶在塵中走可
怕二百四十殊

折取松釵贈遠隣山中幽事可同親應知鹿豕機心少不
似披堅執銳人

惜花

花畔清陰葉易繁前朝空蟻已銷魂人間風雨非吾意自
恨人家不閉門

東去波濤花已殘春工不復署原官能如白髮青山客城

北城南看牡丹

自知病酒是良懷更與中丞學士偕
香草偶然倚野座細花穩可付金釵

蝴蝶花

蝴蝶花間蝴蝶飛莊生作夢不曾歸
我非鳳子忙何甚文采風流似汝稀

唁花

春去花魂不自持溝泥才與揜書時
多情惟有南風力碧草傍邊一再吹

河濱詩選

卷十

六

蝴蝶於花爲狎客落花時節未分飛
彌留拍拍香將散笑殺匆匆尚共依

重至金山四首

麥時兩岸抹雲黃刈穫農家入口忙
干櫓連營蘆荻短風帆帶日海潮長

湖疊扶桑帶日來衡山廬嶽萬峰開
當時真氣石城是齊魯車書眼底回

鐘落山尖月影肥江寒五月着綿衣
孤舟牢繫山根纜不見人從夜半歸

山赴蔣茅亦世情奔雲轉壑太分明句容原是神仙宅虎
踞真爲帝子城

從金山望
江南諸山

恍然亭

藏兵遺法論諸葛四正增加減四隅但識推遷奇數轉風
雲八陣久榛蕪

其法八方各三以一百數之各得九次加
一數于北而移東北之一于東而移東南
之一于南四方皆然以中五合二隅之四六數次又加一
于北移東北之一于東皆如前法以中七合二隅之二亦
九數但兩次加八而數止于九亦
可異也以五七九爲之皆然奇哉

荷塘

荇葉漁船載幾絲香清滑軟見人炊藕如春臂初新浴此

河濱詩選

卷十

七

物山鄉不易知

棋子丁丁花外遊何人携妓在隣舟一年十度情無厭只

見菊苗迓早秋

暑雨

暑雨前溪漲碧疇稻苗半尺是新愁天公似惱漁人網故

故狂波動葉舟

潮來潮去勢難降濁水滔滔是上江龍沫蛟涎分不得腥

風無限送飛艖

土窟

竹搖鳳羽零青影露滾珠光吐素輝最是清秋堪寄傲朝
烟土竈閉荆扉

望圖山二首

昔望圖山在渺冥圖山今日對雲屏蓬萊若到應如此細
註神仙海外經

金陵水口是圖山卉服夷來海浪開填水驅山何太苦秦
皇時節淚痕斑

海雲庵

靖江縣

驥江東郭海雲庵有客來遊野興酣海氣初清秋色動垂

河濱詩選

卷十

八

楊曉月似江南

秋色

秋色蒼蒼秋水深寒潭月影似人心欲知靜者門中事鴻
雁來時韻晚砧

雨

透壁風來如箭括打牕雨過比琴箏絕倫詩思飛中夜總
是無情勝有情

聽雨觀雨雨皆好水漾空池獨坐時不信閒人偏受用
人此景那曾知

將雪不雪風吹海縵袍差比故人強新歡釀酒袍襟濕墨
瀟梅花漬冷香

立春次日

立春春色可前知綠戰紅酣太白詩意動禽聲相迫促好
懷郊野繫舟時

衰鬢黃金買未能少年切莫太相憎春光如許仍同賞又
被鶯花起葛藤

雜咏七首

陽火陰符悔昔年木公有志學神仙閒雲自寒三光洞鐵

河濱詩選

卷十

九

杖空撐萬里天

讀叅同契

青篲枕子兩端空驅得盧主人枕中總是茫茫春夢事笑

他威福對仙翁

讀枕中記

鬼子纍纍同一母萬般伎倆盡波旬如何刀劍場中客能

敵蓮花座上人

觀鬼母卷

海汎前賢慮已周旁觀未任海邊頭七元縱有禽星算諸

將曾經甲仗樓

讀七元禽書

畫竹曾傳文與可夏家僅見仲昭名龍雷震震蒼龍出會

見王孫夫婦驚

觀馮可賓竹王孫謂子昂及管夫人也

抽身不踏春明路，遮眼頻披徃代文。野史無慚牛馬走，山

居長與鳳鸞羣。

觀世法錄

古度無花能自果，含光入夜尚生輝。何嫌開弩還收弩，鬼

臧人情浪是非。

古度木名，含光魚名。越四月，開弩八月收弩，俱見南越志。

聽琴

恠底高山入座來，冷冷靜致兩無猜。平沙落雁還堪聽，秦

客驚心楚客哀。

醉蟹二首

輪芒曾否在江堧，郭索今逃醉裡禪。忘却渾身都是酒，重

河濱詩選

卷十

十

來又得近華筵。

畢卓風流笑汝曹，何緣持酒復持螯。今時爛醉渾相似，那

得名賢讀楚騷。

山居卽事九首

種樹應須移若木，來禽多恐是爰居。閒將江島評，海島後

賢隱逸不勝書。

無端大笑愚公拙，何事移山勅子孫。徧覽江峰貪欲往，呼

兒夜半侍清尊。

山高山下無田種，江雨江晴有客來。不厭中冷頻共煮，滿

斟前代舊密杯

虛閣清如泛漢查起看僧灌海棠花自從慣見風濤亞青
荻白雲穩住家

日日晴江足散愁金山別是小神州久無萬劫神仙福虛
負今生海嶽樓

七寸磁盆雨露中蟠根剪葉短梧桐飛栖合有桐花鳳栽
向儁僥國裡官

紫茉莉爲門外屏晚開照眼亦星星此山不比他山處腐
草爭飛扇底螢

河濱詩選

卷十

七

屐齒空廊到便聞溼烟宿霧不成雲神魚來往人難識望
斷平波蹙細紋

面面瓊瑤奪目光其中勝地是南廊不因山水因詩客肯
爲江南社事忙

彈琴與圓答二首

江峰瀆洞似蓬萊知是琴聲萬古哀爲問成連一去後幾
人再到此中來

花龕細雨響泠泠今日於君指上聽寂莫心情無盡處還
看江外數峰青

懷山

子宦梳翎寧賴母瘦猿攘藥自求肥山中洗眼觀周易不
學畋人射虎機

空山直木自生愁風雨千年枝不繆樵斧朝朝經澗壑敢
勞神鬼護青牛

舟行紀春簡張久宜

柳外孤烟入淺沙斷堤萑葦老漁家不知何處風聲細吹
落前塘杏子花

罇桂九章桂以晚購位於古罇爲詩以寵之又增感

河濱詩選

卷十

七

焉

月種天葩絕衆香鐵柯卷勁耐秋霜移君許結尊爨友古
色稜稜差自強

淮南招隱彼何時叢桂幽幽見一枝俗煞羣花春氣競秋
來辣老惟君知

秋城窈窕似寒林見桂絕輸聽谷音相好不愁相見晚法
尊明水寄知音

那得舊裾散淺香不禁孤意入微茫前年曾此聞無隱消
息悠然秋夜長

梓澤今時盈杞棘雒陽昔日記名園空山秋色吾憐汝不
待黃華霜下繁

八月涼深疑九月桂花落盡始親逢孤香細細人相似暗
夢來時未曉鐘

老衲風徽高士傳直成徹骨一香寒深憐漫作尊罍賞月
裏何人着眼看

誰道十郎是竇家燕山渺渺路云賒於今二穉猶梨棗試
種藥淵樹樹花

尊老龍螭怒土斑秋花高致不須刪新詩九錫花新拜七

河濱詩選

卷十

七

曲文昌碧漢灣

華山舊作

高閣凌空插翠微谿雲如鳥滿山飛急關石戶排雲出不
兩人問不許歸

戲爲竹枝詞代古意

誰許鷓鴣煮作羹阿婆性福小姑爭香厨袖手殮常飽行
炙傍觀嬾做聲

冬夜書懷

冬氣清寒盼暖雲便愁野草宿留蚊高山窄徑不盈尺何

日登峯絕野氛

冬夜渡高郵湖

画船洗耳聽遙鴻
春色欲來萬里同
卽許江湖堪寄跡
鴟夷不傍館娃宮

軟流靜夜足爲娛
細點扶風舊漢書
偶憶驚湍搖渭浦
魚馮枯木謝觀魚

淹淹寒湖一葉翔
高憑星影照孤檣
未知處處殘年夜
誰惜開懷不舉觴

今歲奔流過此頻
嗒然長笑不知喧
秦山渭水三千里
何

河濱詩選

卷十

古

事難銷兩袂塵

贈王君啓

百尺樓頭看自雲
山城迢遞未能分
祇交新露濡青管
戲掃游龍翥鳳文

雜興

籬外高桑聽曉雞
東郊新麥待同棲
化鴛數日當豐稔
不是田家不可題

喬木扶疎亦有春
同將雨露支清津
松高杏短何須笑
獨有忘情是至人

解艇雖微不足嗔相扶須爾涉名津莫誇岸上常無渡我
是東西南北人

又爲竹枝體二首

琥珀珠子麝香裘寶刀斜帶酒家樓誰交另畏包頭髻日
日春江送莫愁

鶻子翩翩烏喙喙東家樹屋兩同棲爭如虎跡無人處有
耳不聽汝曹啼

湖村

湖禽着意向牕啼春草門前碧影低日煖時平眠睡穩人

河濱詩選

卷十

主

家何異武陵谿

清明前九日

清風吹入碧桃花何處新香偏海涯書舍無人明月小輕
紅暗落在山家

靜几攤書曝錦籤花香昨夜入幽奩傍人錯比楊雄宅春
水春雲故意沾

梅開梅花靜春烟夜永日長總未眠早識遊春多感慨不
如高坐復高眠

全子以晶章見遺謝之

已勅各泉稱酒藥不塵野杖入春明石銘近得河濱子相
見千回不世情

十竹齋名天下聞雞鳴山外秣陵雲此時江北堪回首寶
炆墨華自不羣

朝來文梓帶春烟半影江湖半接天好絕經行無事客詩
書古寺夜燈前

水玉澄澄不受緇珊瑚古篆吐幽姿野人正與石相似那
得文名擅一時

懷蔡賢友二首

河濱詩選

卷十

六

孤亭獨倚已心遐况復同裁庶子華好興無端思曠事與
君拈取上林花

春晴便爾弄新杯喜得瓊璠留栢臺上壽稀奇文字健令
公原自愛人才

江菴

江菴參差浪不平漁船改燧試新烹閒中洗耳還聽遠荻
苗深處有犬聲

平山堂

野風虛敞古堂閒耳厭江聲故此攀江北江南宜遠望寒

雲遮盡不知山

崇崗迢遞貯英靈爾雅廬陵尚典刑我已無文思息影諸
山每現夢中青

登臨一笑謝深愁五百年餘不續遊汴水瀰漫邗水急空
堂東畔舊迷樓

第五泉

此日親甌第五泉交情直覺水能賢何須舌遍康王谷細
與新茶次第煎

吊古悲焚半夕陽一人重與辨三梁去冬七碗澆詩肺改

河濱詩選

卷十

七

得酒狂作水狂

飲者羣然但飲聲涓涓澗澗信難明却愁人道無奇特譽
毀從來寡定評

蜀崗林禿仍稱寺揚子江空不限天縱使繁華人去盡許
誰着眼在清泉

龍掛

層雲漆漆入雷濃飛電分明照九重山巽年高猶未見不
知雲尾是飛龍

柳間月

乍雨還晴柳更鮮
月來海浦意娟娟
也知造物心無擇
又遣清風入耳邊

題庵壁

波柔湖影長
涵月聲靜林花乍
褪風引艦通津
人不到牽羅補屋與誰同

題畫栢

老栢銅頑澁苔斑
宿霧新晴翠不刪
墮葉猶堪山麝飽
寒朋謾謾響松鬢

栢耶莫便放齊歌
檜葉纔生宿影多
若待青羊思廟墓
曾

河濱詩選

卷十

大

因異代感銅駝

不許蘓葩但媚春
蒼然遺老一孤身
世間賡唱非前漢
誰向栢梁競後塵

高蟠虬爪攫蒼雲
風意泠泠可坐聞
臺畔棲鳥知不定
欲邀明月夜呼羣

贈楊惟叔將軍移鎮海州

無外今時海作疆
旌旗出鎮颯秋光
卽看提劍鯨波靜
早寄音書到射陽

中秋

中秋佳事此何如秋水茫茫夜著書晚稻無災舟楫穩傳
聞水勝反無魚

書所見

山龍作繪煥虞章貢篚曾聞入禹疆若使錦城來貢錦忙
殺灩澦與瞿塘

一年三見綵舟飛載出明河織女機野老蟻蛛還欲獻古
來端冕稱垂衣

湖濱夜半見霞文龍氣雷威勝未分只恐秋深龍狎浪魚
驚蝦遜總離羣

河濱詩選

卷十

五

九日

疊疊秋雲咽素波黃觴不醉奈愁何自從作客遠鄉里蓮
嶽雖高不再過

三逢九日在安宜辜負陶潛一部詩只許孟嘉傳落帽子
今無帽轉增悲

載得揚川兩本花禾開香影已交加滿船秋色生風雨先
引蘆蒲處處家

射陽可城城可避南北之擾作詩以告後人

海西衆水長湖光復有荒墩點曉霜此地避兵賊丑好依

然萬雉水中央

自龍竿寺歸邑漫賦

歷溪經港艦如蛇堆阜纍然蔓若瓜不爲田畦詢舊鏡莫
須廢寺煮雷芽

送劉芝宇

霍然乍漸廣陵濤浮舸天津珮孟勞占得客星如太紫夜
來佳氣滿江臯

海上新捷

海岸雲華入夜晴新抽寶劍斬長鯨共將俠氣凌霜及不

河濱詩選

卷十

二十

許人間有不平

海陵道中

水刺稜稜割畫橈朔風吹樹鐵鳴稍溪邊烟火愁嚴凍河
上松楸念寂寥

廣陵東下水田肥寒夜天高北雁飛漁網層層舟不斷鷓
鴒到處鰕魚稀

除夕觀梅

梅柯早信爲春通仍是前年老化工但得宜寒情性在不
須茜茜嫁薰風

皇輕易遣花媒

畫桂石

黛翠峻峻堅不移幽人貞古亦相宜巖中豈少香干樹記
取秋空孕月枝

已亥立秋前二日同里張子延將以公車就道猶惠
枉顧爲石以贈之系之以拙句

秋陽皎皎照金鞍繫馬荒邨野水干勸子交情如古石陰
晴風雨好同看

河濱詩選

卷十

五

贈田德吾

梧桐堂下夕陽多昨日新晴乍曝蓑此道蒼夫偏得妙耕
田未唱飲牛歌

題王儉畫

巖黑樹碧不可當天公故意擲琳琅縱然羣玉難相問乞
得珠函海外藏

謝張尉贈茶三首

清絕龍團遠更難吾曾疇昔到新安採時不易泉香美谷
雨前頭帶露團

天都俊品皆堪友，雀舌喻糜事事佳。今日思量遊屐處，山中散步勝皇駟。

惟君吏隱懸黃綬，愛我分甘有碧茸。時暘天膏宜作雨，津津先兆在微躬。

辨中原音韻以入聲派入三聲中吾邑韓恭簡之言是也關門盛文定聞昆腔知國祚予爲賦一絕句以志前賢之審音

音由氣轉不同風氣候促延移化工吹律何人啓治亂兩賢妙理辨虛空

河濱詩選

卷十

五

求雨二首

四郊麥豆奈乾封，欲汲江河意未從。片語先愁輕薄甚，於今水府久無龍。

伐衛無期天不雨，敢云罪惡可相寬。怨尤消盡平心甚，灾咎由來未自安。

贈开秀吾

兄弟德同業亦同，參苓溲澁福陰功。只今人病惟貧苦，安得名醫慣濟窮。

贈王靜玉

客中年齒惟翁優甲子歷盈又四秋畧說前朝賢令尹當時雞犬不知愁

贈井騰寰

種得來麴二頃田祈將珠貝換豐年殘書一卷橫牛角網草秋風日暮烟

贈井奕垣

何可臨淵不釣魚種魚且做古人書叢叢池半梧桐月照入幽齋萬籟虛

思作小池種魚其中

庚子六月二日三首

河濱詩選

卷十

三

早起披衣尚見星山家原在翠微屏虎聲一嘯風生壑惟是幽人耳慣聽

種花貯雨萬枝多每到花時奈若何讐彼周人三女粲能堪此意共婆娑

伏時疆火孕柔金此理微茫不易尋調燮陰陽誰獨荷教人思憶淚難禁

五行四時皆遞生惟夏不能生金故先人以伏字代之中有至理可靜思也

贈王羽公三首

得從畫苑久知聞及至相逢許見分縱使叔明續摩詰等閒做似李將軍

鬢不絕倫誰絕倫
測中屈指古來人
青山萬里無輕價
不賣河山救已貧

琪樹瓊山在意中
炎時借此起涼風
道人無暑翻愁冷
莫寫高天雪夜翁

贈尤仰之二首

聽歌佳處夜星陰
窈窕空中躋可尋
記得江南聞曲子
一樓過雁九秋心

狂塵撲面憶江東
碧水粼粼上下風
舟外樓頭紅粉盡
可憐誰是去秋鴻

河濱詩選

卷十

五

寄洛南趙尉二首

陽虛山外玉虛洞
此地玲瓏穴岫深
不識龍公作何狀
爲災旱暘繫人心

書堂山老絕書聲
我昔經過萬感生
今日無書人去盡
空岩古本是交情

書堂山

陰夜空中暗不明
阿誰寂歷動書聲
當年習氣嗔猶在
挾策干時入帝城

余遊樵李久矣今復感之

鳴夷曠有泛舟心
范蠡容儀在鑄金
伍相廟頭濤太猛
曾將血淚洒江濇

余居蘇州久矣
今復感之

一片姑蘇作畫圖
三千君子舊勾吳
宦城雞市要離塚
惟有梅花夢不孤

偶憶鄂渚樊山之槩

三楚風烟愛不勝
幾回欲在學山僧
如何有客來關陝
却向吾鄉杖短籐

懷閬風館

河濱詩選

卷十

五

四海波流不可窮
六朝誰敢笑雕甍
重於今極目崑崙遠
仙館遙迢一閬風

懷二岑書屋

枚家父子總才名
怪底牙籤日夜橫
一自山東爲烈士
魂來聽子讀書聲

贈白太李二首

廊延才子擇隣居
天下相知肯後予
比豎尋村來往便
面談不止數行書

詩道衰殘豈易興
時將前輩漫憑陵
君家自有香山老
輕

借吾知學未能

贈謝健行

杏陌青年獨早遊，霜駟金鞵艷街頭。一鞭飛度歸鄉曲，王

父童顏正倚樓。

南陽太守在堂祖孫濟美

送楊地師光五二首

眼底星辰杖底龍，芒鞋穿破幾千重。不知時輩知君否，砂

水茫茫看脚踪。

歸來補葺舊柴門，復爲清談闢小軒。珍重地師相會意，淵

明松菊指南村。

河濱詩選

卷十

美

商南舊令周澹庵，以八絕見示，口占和之。

試問商南縣，若何月明惟照古籐蘿。城中那得逃亡屋，盡

日林邊野鹿過。

試問商南昔日城，花封改作石田耕。何人遺得甘棠在，欲

聽琴聲靜不鳴。

試問商南幾戶丁，也煩負版式孤嫖。我來三日罕人跡，竹

馬兒童病父兄。

試問商南甚稅糧，高山石骨易爲荒。民間不識幽風好，却

患公田並蓋藏。

試問商南訟獄無小人學道信非誣雖然十室仞愿予愧
殺禡三日未晡

試問商南道里長嚴霜枯草倍淒涼天涯有路皆能去遙
認雲山是故鄉

試問商南幾俸薪君恩原不薄微臣只因捐額填民稅如
水葵心敢厭貧

試問商南司牧官鹽車九折步躑躅此番依舊逢磽地撫
字無能媿素餐

宿洛水之干有懷四首

河濱詩選

卷十

七

日夕水烟沒欲無岸西村樹已模糊回頭却望城邊影殘
醉醺醺如大酺

連夜未通詩酒債吐茵每愧古人同此間只少蓮花漏仍
在三春境界中

館人野致未淒涼自對前溪謝暗香綠岸黃花開滿徑仙
祠鐘鼓賽韓湘

晉秦曾築洛陽城世代黃鸝語裡更今日雪顛人過此後
生誰及見先生

初入會城二首

灊陵咫尺樂遊原古木空墻聽鳥言慣見樵人揮斧響蕭
疎不止嘆丘園

芷陽乍對立秋時此筆停唸有所思不爲無衣堪卒歲秋
鴻欲寄海西詩

興慶寺二首

興慶宮爲興慶寺金輪散粟等齊看何須細向僧家問滿
砌蛩聲入草寒

城東畧畧勝城中存得花龕樹一叢此去沉香亭子畔老
霞飛似舊花紅

河濱詩選

卷十

天

壬寅中秋

烟樹山村葉欲紅夕陽一片客愁中人自河西雲外至雁
書傳得舊時風

四槐軒詩四首

畫聶夜炕識景純鬼目鼠耳蔭青春花黃先桂香文管實
茂凌霜餌至人

虛星孕得四青虬爪撲朱闌翠欲流好月空寒失明暗涼
風嘉樹足盤游

幾思仙館近紅雲何地白雲天上分借此蓬壺山一片栖

巢小鳳九苞文

松寫濤聲竹寫光何如槐下領清涼縱饒閒坐惟俄頃裕
國愁民意未忘

贈劉藩幕海若二首

東湖荷葉酒杯俱重飲黃堂興致殊相愛情多言不盡丁
華嶺險慮霜鬚

他鄉客宦偶相逢薇省清貧秋思同自是都人堪咏述甘

棠舊種在

天中直隸人河南扶溝令

入青門六首

河濱詩選

卷十

完

浪得無端夫子名到今慚愧老書生酒尊漸減增何事新
作陽春曲未成

警效堪能似足音佳人口信值千金匡牀買得新籐篋
竹縱橫彼此心

一城分作數重城踏水觸泥六月情新稻盈畦登市未饑
人誤比五侯鯖

槐市槐花未許黃如今衿佩半倉忙請看人宴鹿鳴後宦
海風波故故狂

古碑尊重勝威儀三日徘徊有所思塚下前賢魂不散也

應喜得後人知

先秋三日翠烟生聽得新蟬遶樹鳴客思茫茫不可惱衣
衫砧杵更聞聲

孫樹百社集

浣沙人去是耶非少伯風流尚可依我學湖漁能識得一
舟同載過漁磯

殘春

歸路趨東去路西殘春猶踏早春谿閒將花事思量徧還
是鶯梭勝燕泥

河濱詩選

卷十

三

客長安四首

樊川山水是吾師况有前賢杜牧之一事蒙嘲因自譽率
然無意學工詩

子午關連駱谷關千里紫翠暗深山漢中巴蜀聞兵甲何
日休兵問往還

買得青鞵試脚蹤帝城不遠未能從雪寒太白豺聲怒只
好行經紫閣峰

甘亭樓閣鬱岿巖宜有仙人下碧霄聞說吾家先柱史青
牛西去不回鑣

水仙花

凍蕊晶晶襯雪暉梅花那得此芳菲若將仙子來相比不
是湘妃是洛妃

長安雨

積雨泔泔古漢都奔流涇渭盡長驅應知蚌采生明月流
海新添徑寸珠

題王呆叟慈壽齋二首

竹慈一本孫依祖山壽千盤弟侍兄何似王家呆老子終
南翠色照眉橫

河濱詩選

卷十

三

太史家庭樹樹槐春風春雨動高齋水衡題榜吾爲賤敢
謂同心氣亦諧

巳巳春旱得雨

膚寸作雲四合時幾多望眼盡迷離飛來葉葉黃金片墮
地無人辨雨師

與吳達宇

嵐翠亭寒遠市塵相逢忽見瓠中人茶清節軟伊蒲似老
眼青青在隱淪

自慈恩寺至新開門訪呂樞部于菴曹文學潛如聞

如王徵君文含時同東雲雞張白石小集三首
雁塔招尋費夕陽三川何處路微茫人從樹盡陵殘外通
指前人舊曲江

三十年前此地遊重來似喜反爲愁登高已怯筑無力望
遠還添樹色秋

新開門近芙蓉苑白鹿原通御宿川正好行遊遊不得秋
光只在灞陵邊

送秦山子三首

下馬陵邊草色柔杏花時節費賡酬使君寓處增名勝應

河濱詩選

卷十

三

在長安與華州

一春陰雨暗無光欲出城南力未彊片刻西園花下飲知
君意興在錢塘

摩詰鞦韆川文杏館何時移向大興城雨金雨粟皆天賜鳴
飽鳴春任我生

東歸

山雲挾月共西流客自東行向故丘信得人天同有鏡誰
分今昔動騷頭

題王密畫

最好懸雲三兩峯蕭騷萬木露晴冬若人高臥應誰侶水綠
淼空潭老蝨龍

贈陳潛一 二首

小儒開戶愁饑窘大地無人亦太貧馬足山顛千百里相
逢若个是遺民

我知西北神臯地帶劍經丘事野耕今日芳瑀休戰馬何
方堪聽讀書聲

客金塔寺

醉時偷得一時閒蝴蝶飛翔不願還花氣撩人濃似酒惱

河濱詩選

卷十

三

他香散賺衰顏

捲藍詩

此蔬或云捲藍似蘿蔔而大種來蘭州
移栽於關門甚肥蓋奇蔬也花亦可觀

金城怪品近河湟方物相求味亦長憐汝往來似征戍移
歸內地便爲良

與張渭南自海光樓移酒泉上三首

驅車池淑望蒼烟無計中流一泛船西日莫歸消盤去東
風正到野狐泉

野狐猛虎此間亭側栢矯如玉母青客思無邊收不住瀉

飛界外已冥冥

泉甘泉淡此難同品水前賢尚未通若使青蛇聞正法能
教度盡野狐翁

南薰樓

有絃未得古人彈况復無絃池水寒縱使知音調徵角也
應竹肉混鹽官

鍾期既遠空山水海外移情又一時不信重華一再鼓到
今餘韻響春池

題美人畫四首

秋思茫茫露桂花不知香夢屬誰家中冷艷寒猶濕彼

河濱詩選

卷十

五

美西方且漫嗟

多情誰可問紅綃日午情花景致交寂莫閒中還自適珊
瑚珠子戲雙貓

薜榻羅衾遣夢尋比來不用石榴裙只愁青鳥傳消息玉
母龜臺索繡紋

蕉夢驅人喜晝長褰身玄縠扇餘涼夢中何地游仙子萬
朶芙蓉護鳳皇

秋思二首

鴻雁聲中見曉霜一溪寒蓼費思量不知秋老人何似昨

日梳頭暗自傷

雞埭鶴埭各深秋
唱雨悲風不肯休
若許情人同宴飲
也如金縷在歌樓

咏東坡調水符事

玉女泉邊調水符
鳳翔使者興非迂
我來思飲深秋谷
詩肺金莖露作珠

邵陽王文孟相遇於奉天
匆匆不能成律作此贈之
曾識鳳雛著九苞
攬輝老鳳此岐郊
丹山果有歸昌種
阿閣宜成上古巢

河濱詩選

卷十

姜

羨陂

濕烟濃浸早時霞
我欲乘舟且泛家
岸遠人稀無徑路
犬聲不得入蘆花

廉將軍廟二首

趙國當年此駐兵
廉村草木尚威名
爲愚善僻堪相倚
老盡秦師未拔城

李牧能爲真虎將
相如完璧亦英才
何如此老身名重
後世求賢事事哀

秦州

水走山飛稻吐芒誰家小麥尚登場西東千里分時候何
故州名記夏涼

馬神廟元宵咏

途衝芻秣累人民鼓吹嘈嘈報馬神馬神三日靈官似何
不驅鴉駕火輪

鞭末捶人守吏悲朝廷禁馬辨公私方臯伯樂升天後試
問子昂畫是誰

候人辛苦馬牛斃神聖慈悲應亦憐邑大民疲非定論無
民攤出許多錢

河濱詩選

卷十

美

羣寡蠅快之

獄府清寒衆不趨痴蠅幾個欲全無乃知天上皆君子那
得宵人不類呼

山中藥

山老陰寒藥發遲樵人采藥凍如痴春逢三月萌芽逗香
客來朝更可悲

山中雪

山雪綿鋪扶纜如怯寒白帝亦瞿瞿高卑上下原同體歎
息人間布帛虛

附八音詩

彭荆山示韻因賦三首

金灝崑崙雨點溪石蓮新澣古關西絲綸曾隱態罷夢竹
箭莫驚鳳鳥啼瓠吹風笙

女媧風姓

開物遠土安姬版舊臣齊

革時損益無今古木葉蕭蕭聽曙雞

金陵一徙薊門溪石壘燕山萬壽西絲弋北鴻邊塞懼竹
書南斗角端啼瓠瓜苦食天延夏土域寧拋海近齊革鼓
鉦饒窮漢武木魚遺恨建文雞

金川門外大江溪石黛淒涼蔣阜西絲飄細雨春秋濕竹

河濱詩選

卷十

三

禿江南廟社啼匏瓠咽聲樞密遁土山頽角庶人齊革車
萬馬蕭蕭盡木客傍觀絳幘雞

咏周公

金滕封啓付雲溪石老東山赤鳥西絲貫周官綱紀煥竹
調武樂鳳皇啼匏瓠虛簧葉八風出土煉埴形衆律齊革卦
六爻三致意木傳薪火武城雞

咏召公

金冕光華北海溪石盤分陝雍州西絲長無類經南北竹
比成音寫笑啼匏蔓雲孫還有邵土開同姓亦過齊革餘

今古幽并散木閱凋榮換夜雞

韓尚書苑洛

金礪重瞻漆洛溪石巖司馬重關西絲和點瑟音從古竹
審韶簫聽欲啼匏大三山群幟立

謂斛山椒山也

土安四海一樞

齊革衰范蠡前身夢木理交榮兩鳳雞

古丈夫名子春秦之官也隱華山投毛丹經蓋君子
而學仙者今有洞存詩紀其事

金方霸氣日沉溪石隱仙人不肯西絲斷帝皇嬴世盡竹
斑宮眷呂家啼匏笙密時天難格土鼓鄰風恨不齊革血

河濱詩選

卷十

美

囊空悲嶽頂木凋松檜夜聞雞

咏司馬太史公

金德恢宏漢水溪石渠世美魯麟西絲機蠶室文原錦竹
簡龍門鬼再啼匏繫誰能周穆共土人惟許史班齊革秦
救得坑焚禍木泣松楸野奠雞

咏東方曼倩

金殿星精戲海溪石懷崑閩大荒西絲纏難到龜臺側竹
苦先知桃露啼匏落平原非市隱土升白蝠但雲齊革凡
趣妙詆諧甚木有扶桑上曉雞

咏王昭君

金輿朝別漢宮溪石積荒沙北又西絲響琵琶獨自語竹
鳴笳管衆羌啼瓠瓜不繫身無定土塹雖存物叵齊革鼓
細腰氍帳列木蘭羨殺是雌雞

咏衛叔卿

金氣博臺俯萬溪石峰尖削日東西絲紋不作平原繡竹
幹肯教漠塞啼匏器貯丹靈候轉土心凝一聖胎齊革除
武帝輸羸想木火南爻問碧雞

咏焦仙道光

河濱詩選

卷十

三

金煉麒麟玉漱溪石芙蓉內洞天西絲毫細辨仙凡路竹
肉堪憐世界啼匏作葫蘆繚下迥土藏風雨道中齊革緣
蠲想雲臺小木掛雲蘿睡犬雞

文士

金策文昌七曲溪石麟彩甲海東西絲紋補袞天無闕竹
管調元鬼不啼匏葉笙簧經鼓吹土田疆畛古秦齊革因
憑汝儒家議木偶尋常笑越雞

武人

金甲蝥弧祖釣溪石裁肅慎矢飛西絲梳楊柳初征戍竹

挿旌燿半笑啼匏裡吹鳳兵聚散土邊城竈土燕齊革樽
不作知方衆木柵蒺藜晒鬪雞

寄同州趙太守并呈太公

金水淵淵孕玉溪石峰自表岱宗西絲爲文糸兒孫盛竹
和天聲風雨啼匏五石容才器大土千鍾稔報恩齊革商
因夏將聞禮木比梓橋世寶雞

寄朱衣道人

金消水涸守寒溪石洞懷人姑射西絲渺吟魂牽異夢竹
傳文簡痛新啼匏懸齋架秋偏老土闢山均樹已齊葦履

河濱詩選

卷十

甲

朱衣裳薜荔木林臥聽介山雞

集中各體悉備然晚年游戲之作實不欲以示後人故
存者亦少錄附八音詩數首以見曩情恢諧正無一不
關理要也

元春韻

附詩餘

踏莎行

彭荆山至泊邨便寄王趙諸戚并序

戲爲踏莎行若干首藏之巾笥予聞小令者詩之餘
也有花間有草堂非詩非樂府可觀不可歌久矣予
之不托于音也存之棄之予安得而主之

雨添藻泊風捲寒沙每貪清景樂無涯學仙時壘燒丹灶
談武增新貫蠹家 多遊宦海看破空花尊酒村歌不尚
奢請觀他處滄桑後誰似茲方守晚瓜

河濱詩選

卷十

里

其二

地開曉泊月冷晴沙重重洛渭接無涯爲箕新織蟠根柳
牧犢閒歸隘巷家 村無吠犬野有殘花完租息訟恥爲
奢秋盡冬來人更好斫柴擔草賣新瓜

其三

飲餘殘泊餽不蒸沙南村病叟問生涯常懷樵採蓮峰頂
却慶盤桓苑外家 杯中麴蘖世外烟花富文不競石崇
奢拔宅漫思雲生足安期空說棗如瓜

其四 此首警悟自勉

碧天碧泊圓海圓沙茫茫世界曠靡涯縱是彭篋難免客
何方蠻觸可成家 巢危蛟曉夢落江花才名八斗也非
奢何如拋棄人間世東井星邊摘瓠瓜

其五

此送彭荆山爲遊仙之曲

填平梁泊耕墾雲沙古來陵谷恨無涯天田無賦堪佃種
月窟空靈可住家 南海佛竹揚州瓊花明月簫聲韻趣
奢淮南祈結八公社一任黃臺屢摘瓜

雜興

酒漿把酌膠漆搏沙四海廣輪是一家早年羸秦人逐鹿

河濱詩選

卷十

聖

移時劉漢劍揮蛇 絲絲破帛縷縷殘麻三代不遙五代
差請看高下山中路一半直行一半斜

其二

打草驚蛇設媒賺鳥機關恩怨幾時了高天濶海任飛潛
客人度物脫前稿 六道輪迴一生煩惱斬釘截鐵男兒
好莫須任意悔將多得個回頭便及早

其三

泥灘沒髀急浪回沙撐篙忙壞老船家戮力誰爲共命鳥
鬪人常見兩頭蛇 是非皂白曲直蓬麻和時莫嘆鬪時

差偶聞裂漢雷聲直又閃曳空電影斜

滿紅紅

秋雨

淋淋秋雨便淪了秋分時節無聊賴孤燈又照寒牀茵疊
點點銅壺小蛩悲寥寥高樹天雞咽憶承平昨歲到今年
幾霜雪 壯情性猶未折病身軀只因歎愧書生衰老絳
帳青燈浙浙綿綿芸香草悠悠淡淡蟾宮月讓英雄占盡
古和今常淒切

附詞餘

河濱詩選

卷十

三

閏七夕

新水令

瀟瀟客館閏新秋更難逢鵲橋時候整雲鬢思織女渡碧
漢看牽牛爲着那歲歲離愁今添出佳期又

駐馬聽

再上針樓乞巧人家不厭求獨斟杯酒歲序如梭奈奔流
芭蕉雨滴怨聲稠芙蓉江晚香光瘦漫淹留今生都爲前
生受

喬牌兒

浙零零波上漚靜悄悄北牕透七襄枉却天孫繡這景物
引殘絲折斷藕

雁兒落

卽平沙落雁

猛想起青年鶯燕儂一霎時白髮蛾眉皺抵了那無人夜
半時曾發下七夕長生呪

得勝令

卽陣陣羸虬歌曲

不是這薄倖人覓封侯恰便似佛子古林丘經年家松麝
奚囊舊安排着牙籤燈下收把藝海重遊夢不見羅衫袖
悶日月心頭只妬着雙星續好逑

河濱詩選

卷十

四

憩水令

卽滴滴金

則歎那寡婦無家鰥夫獨處皇天不祐又苦的姻緣一旦
休幾處的鸞鳳分張鴛鴦打散羊前馬後再不得錦帳銀
鈎

折桂令

卽秋風第一枝蟾宮曲

比着那秦宮裡六國嬌柔辭別了齊楚燕韓都做了歌舞
纍囚再抱琵琶重新釵鈿誤入衾稠也羞慚粧臺明鏡對
星眸盡化作故鄉愁更宿業難勾似鸞蘭綢繆世世做霜
蝶風花不離那月恨雲鬢

尾聲

總不如農夫家裡日悠悠老夫婦常常廝守耕的織的一
對兒太平人和兒孫天長又地久

述懷

越調鬪鶻鶻

一味逍遙千般享用博得平安勝如恩寵昔日無知今時
纔懂這夢兒萬古同身不親經此言近哄

紫花兒序

總是佳節總是好月總是和風歡生年少愁到衰翁匆匆

河濱詩選

卷十

聖

人間笑殺機關冗攀龍附鳳堆金積玉舞女歌童

調笑令

相送日西東又被星河轉碧空蓮花漏箭頻頻動都做了
一場清夢思量苦辛全沒用枉做個食蓼之蟲

禿廝兒

身外事做啞粧聾心頭事悟道叅宗當初悔恨追買董思
量偏寸衷忡忡

聖藥王

嘆命官滯英雄一盤磨蝎害人龍花滿園酒滿鍾和光混

合水雲中情正斂意旁通

尾聲

垂簾細聽琴三弄耳邊脰吟諷仙翁淨掃寸心田盡除愁
煩種

寄王山史

一枝花

黃塵暗麥疇赤旱燒沙渚逢年思硯海娛日守詩厨老景
清虛猶嘆光陰誤猛然間雙鯉魚剖開來顆顆明珠怪得
那龍宮水府

河濱詩選

卷十

吳

梁州第七

記當初尋海角揚州畫舫到雲間吳會名區輕風吹動鴛
鴦樹紫霞仙釀白雪新斂紅顏妙妓黃髮鴻儒五茸城笑
靨芙蓉三神山採遍珊瑚我呵浮萍影滯在姑蘇龍鍾態
久謝長途烟花恨付與菖蒲迢羨操觚粧成那嘯月名流
趣好風流真堪妬今歸來爛自如銀管瓊壺

罵玉郎

山中山史逍遙處總倩雲烟護想起我老桑榆拚着個身
心共把千秋做你則是王粲流我不是李靖徒權且倚青

山住

感皇恩

呀原來是錦石多情谷鶯添續幾番綻了玉茶蘼幾時聽
了昭華瑄幾人斷送了寶馬香車舊河濱蕭蕭散散不知
愁的老漢羣山陰悠悠蕩蕩慣聲歌的狂夫閒時會忙時
別醉時呼

採茶歌

我讓你撇江湖面天衢再莫訪松江俊俏繡羅襦我也莫
甚的相贈好言語雁塔上長安陌買一卷養生書

河濱詩選

卷十

七

尾聲

琴上宮商譜眼底錦機圖則和你刪月批風銷萬古

附長短句

丁未七夕前二日

林點群雀天留殘暑人報到七月初五屈指一夕再一夕
便是穿針盛舉想此時天上似人間也准備粧奩賠女將
星象珠璣雲霧衣裳一樁樁篋箱封貯也知道天上一晝
夜人間五十年這恩情儘是頻繁下界人莫漫嗟怨夫曠
女河漢茫茫從南到北極一一細數織磯石誰是君平幾

時把天河填去似人間陸路平平全不消餘艤撐渡此情
我與玉皇訴休寡了月裡嫦娥將桂花搗碎玉杵待四海
萬景澄清穩受用八月十五

夏至欲來四首

電曳雷車移箭漏田家簷矮珍珠溜未知鼠雀肥先照農
夫瘦思量總是愁時候誰說遠山似列眉皺山也皺

其二

陰晴早滂天常醉田舍老翁蝴蝶睡辜負藥苗香沉埋租
隸墜思量總是愁人會誰說山峰似尖牙咬牙山也碎

河濱詩選

卷十

甲八

其三

短長二至天輪轉田父衰老神鬼倦詎免鄉閭嗔儘饒兒
女嘆思量總異蟠桃宴誰說江流腸九迴腸斷江也斷

其四

四家農家偏苦早罷牛薄地蓬萊島盤餐藉子孫起坐防
衰老思量禍福無容禱誰說冬春天地心心惱天也惱

秋懷

桂子丹菊花黃黃英連接韻人忙嘔心賦拚命觴秋雨秋
風易斷腸吟蟋蟀指栢梁人命幾何樂未央水瀾瀾兼蒼

李詩所懷兮各一方

偶拈天文類

怕乾父狎坤母怨箕風祈畢雨借天桴擊河鼓攬素霄察

星土耕金牛牛金牛宿名渡火虎尾火虎星名呼諸郎飲天乳操奎

文走參武集蓐收朝招拒借音用慰良男緩兌女昊天上帝

白藏主不使金天一面苦

偶拈地理類

嗟陸海傷天府息旱風祈靈雨鳴唐鐘敲邠鼓舞金童下

素女禁銅穴除鄆塢周京文秦郊武九隰同千耦舉藪沃

河濱詩選 卷十

晁

沃原黥黥種再登茶不苦有倉箱充筐管賓崑崙享瑤圃

踰西極觴王母我 皇無外况率土幅貞惟我雍州寬九

州之首原自古

偶拈人才類

羲軒黃振盤古西巡舜元圭禹師商契王周武其臣濟濟

堪揚詡開山金牛釣水鷹羽遠來由余曰五殺列國張祿

榮相組此間來人一一如比肩皆是英雄譜宰臣堂廉將

帥疆圉以下紛綸畧指二三百年中大儒洋洋天廷翥樂

格九鶴苑洛韓道續一宗高陵呂光祿馬少華許卿相立

取千文章不朽十得五九極文字更拔萃譬之方叔
與召虎

偶拈萬物類

球琅玕光冊府天馬徠樂歌譜雪中之蛆山中鍾乳 今
皇不勞土物貢我民逸樂忘其苦窮鄉惟產牛羊羝聊足
禦寒亦小補近來皮幣淫巧生爲裘爲茵目未覩此物江
南不用之今日一一販商賈塞外奇畜有餘温餘者糊孫
及鸚鵡甘州枸杞與菘蓉涼州葡萄酒堪煮我郡沙苑繭
耳羊昔年充貢今不取粗茶捏作團不與雀舌同滌暑半
河濱詩選

卷十

五十一

在四川半在楚此物關係中外人何事爲累我憐汝
終南

昔飲終南酒今醉終南茶茶香雪冷上清家烹雪消盡六
出花使我清寒油油生齒牙思惟身老閒行何足嗟千山
萬山盤龍蛇此生旣是蕉鹿夢鄙哉怕死之人學丹砂道
士雖高三島遠不如對友夜坐聞琵琶吁嗟乎酒魄糟粕
古所悲茶魂清上可深思安能自服赤龍液道出炎天大
渴時

詩餘詞餘長短句各有兩卷而所餘完善無缺者止有

此耳並錄附之

元春

河濱詩選

卷十

五

在松江恭校先河濱夫子朝萊山房稿鈔成四十卷
枕上集鈔成六卷敬賦百韻紀事

河濱第三子建

庭堅崇鼻祖芮版衍洪支累代農官續

司徒祖

鴻名藥榜垂

我降丁閔閱自忝溷鬚眉承蔭綿宗派傳瑤重父遺涼才

慙繼武大業念修詞俱歎鄒枚敏翻嫌沈宋遲沉酣還廣

覽洋灑總忘疲卜宅淹吳甸揚舫邁楚遠江濤涵續筆渚

月照吟髭

在安宜著巖閣集二十卷揚州著霧堂集三十卷武昌著過楚集四卷

湘沔撓旋

返嶠函輦恰宜行恒搖兎管歸卽擁皐比匪侈雕蟲末都

河濱子建詩

卷十

聖

欽繡虎竒議閱凌魏晉骨勁壓陳隋落紙方傾座吸川競

奉卮景斜陽就夕醉甚態微歆扣響懸鐘呂蜚芒剽豹螭

雄瞻峰突兀宕狀水淪漪更映彤霞爛爭稱紫鳳儀據筵

驚咋舌濡石艷臨池腕運神彌健鋒藏力豈羸人嘗穿鐵

限體實變雲麾妙駕千文帖精逾多寶碑有求皆立給是

客各歡持聖帚還推聖

善飛白在金山作文餘字王尚書敬啟稱之曰一代聖手也

雪

蕉並足師閒圖松與竹允信畫兼詩漏刺觚仍握樽乾杖

又隨染嵐金灑麓踏澗玉泉湄野眺躋沙嶼村酷入椽籬

探幽聊取適樂命復奚疑洛苑洵優矣蒲津再渡之禹門

聽倒浪史塚助哀吹在韓城屢下高賢榻咸尊碩果規集

緣盈篋笈譽蚤動臺司張都憲白珩遣彭清軍劉節推聘纂陝西通志陳方伯公朗敦修洛

川志又曾嘉靖冢宰編從簡王紹徽先生谿田緒在茲馬伯循先生修

志封疆通弗亂褒貶盡靡私班馬儼同直嚴徐詎敢睢

騰華冲井鬼約會聚英者東雲雖王山史家子德諸公與雲間沈釋堂吳門李笠翁中州

馬布菴俱至西嶺蒼鄰鄗南山翠接驪瀾觀瀾瀾輪輾踰邠

岐古路懷軒后平宵巒拜伏羲秦州詢源羣指穴鳥鼠山在渭源

縣陟巘晚升陂伏羌岐名汧邑尋蕃種隴城弔逞基遐踪勤跋

涉憲使列旌旗梁茶使曰緝出迎鞏昌郊外特諾輝梨棗將遙拱冉葵

河濱子建詩 卷十 五

檢箱憂大舛壽梓悵中衰舊轍由涇疾片帆諸渭糜縱談

豪興熟枕籍夙情怡珠湧肩蘇賦重轟富惠施採苗搜邃

谷和餌款良醫鄂韓宵連侍斑爛舞共嬉匠敦腸割裂簣

易眾嗟咨曠土傷頽泰層霄望跨箕斗垣星匿耀蒿里樹

添悲乘典三長播奎光百禩馳摧樑訾冷祚刻鵠笑凡兒

謬飾樗充桂疇云菌貌芝學疎家不造問隕罪焉辭挾策

拋黃卷居賓敞絳帷浮蛆招拇陣監幟遜登陴躑躅蹟燕

市歌呼恣越陞日空小巨壑地燠納輕颺簾寂琴常鼓檄

銷藻懶摘蓴鄉遷碧幕澤國絡青絲扉啓橫經席囊存露

穎錐雪生殘鬢改劍澀壯心移憊羽憐雕鵲織聰讓鷓鴣
泥猶盤尺蠖嗅未作梁雌藝本希雙絕朋難媿四夔油油
爰止止逐逐等蚩蚩滯跡痕鱸際狂奔引緋期慘烟迷岵
岵低壘咽墳笳壙附埋嬌大絃柔斷淑姬退羞彈鈍缺病
倦拾枯萁頓整軒昂氣強颺颺爽姿踐郊容奮鬣伏櫪遲
銜羈縲棄衷尤熱舟焚勢較危重投喚鶴處非索買山資
旅邸甘衣素塵靈肯湟緇校讐追考志珍惜永孫貽捧冊
增欣躍撫膺轉鬱伊幾能公琬琰庶俾炳芬楣正屆 君
遊豫來慶臣保釐疏河纔順軌擊壤久安耕 驚蹕遵淞

河濱子建詩

卷十

五

溼輸芹亘海涯采謠音雜選獻頌影參差 翰錫虬龍跳
膏沾霖雨滋肅裳呈墨本翹首隔 丹墀矧昨聞 鑿駱

曾親蒞岳祠喜看宮闕字

先夫子舊題

仰荷 廟堂知竊思孤

直鴛猥如喬折枝曷當干 寵眷遑暇計榮萎環堵貞雖

守排闥願則虧倩裝加玳瑁罄橐犒醇醪吳峻邢酬德魔
除漸起瘕旣彫萌茁苗瀕腐葉粃粃謀鋟姑虛此摩縉欲
乞誰元侯宏厦宇賤子托欄榭企藉完嘉舉叨俞慰宿思
漫愁弓冶隊合免魯魚嗤午夜寅攤案燃香候曉曦

先標赤號立菴河濱第三子也河濱凡三子皆以文名

而標赤尤才爲河濱所喜少卽肆力詩古文詞屢試不第館張元侯幕府所得館金悉裝池河濱手蹟並繕其全集今據以選者皆其手校本也所著有李子德評定樹樹山房稿西北東南二譜閩草齋草諸遊集謹錄此篇以見一斑卽當跋尾

元春

河濱集後序

澤自鼓篋時即知吾里有河濱先生與
苑洛五泉二韓並名既長求其集無由
購或得片紙隻字即什襲藏之今鬢髮
已白籠東無似而文字之好不衰值試
期猶携毛錐子率兒輩共戰文場暇日
則亦汎濫百氏以自廣其見矧願終不

序

一

得河濱全書而讀之噫著述滿家如先
生而不免寒落吾邑如此他方可知今
日如此後賢何賴耶庚午秋先生族孫
時齋孝廉以其家藏舊本與數年所收
欲選付梓而苦於無力王子葵圃乃以
謀於長史全寶寶以告於

澤澤

喜曰是

吾夙昔所願為而不得也如急名刺劄

氏謀之計其費約近千金而後叔晚九
願爭任其半事既成乃取其書而卒業
焉矣古人之文之傳不盡以其文以其
人也士君子立言期於不朽性之根本
節目之大不可以告人激此惜之揚子
雲草元擬經美新之文實得罪于古柳
州失身於叔文極欲自辯而躁進之失

序

二

終不能掩近世文名之盛莫如王盟津
頌以晚節莫保有見其書而欲唾之矣
河濱在前明士也值鼎社淪亡方且糾
合同志共圖興復以本朝陳遂有為
故君復讐之義受其招於分符安宜
此固異於女已嫁而再適也旋因上官
不合即解授以玄觀陶靖節之不為斗

來折腰又豈有殊誠讀其集因言兄志
何一為欺人之語今與之韓妯豆鄉賢
後先輝映益有以也二韓之書鄉比從
叔自疾既補梓之矣河濱集倘亦天不
欲竟晦即嗚呼澤老矣欲復為河濱之
學其又何能兒輩年方富皆好積書倘
各自黽勉不屬囿於科舉之習是利也

序

三

當共寶之抑願與天下共寶之幸未夏
也謝澤書

